


# ODRŽANA OBUKA “UNAPRIJEDI SVOJ POSAO”

U januaru 2023. godine, u Agenciji ZEDA je organizovan trening “Unaprijedi svoj posao” na kojem je učestvovalo 6 učesnika koji već imaju poslovne ideje koje su podržane kroz projekat ISK0raK . Učesnici treninga su prethodno završili obuku “POKRENI SVOJ POSAO”, organizovanu u septembru 2022. za kandidate koji su aplicirali na Javni poziv za učešće na obukama i dodjeli sredstava u okviru projekta „iSK0raK – Partnerstvo za nova radna mjesta“. Učesnici edukacije prošli su trodnevnu obuku na kojoj su, sa certificiranim trenerom od strane EU, naučili nove vještine iz marketinga, upravljanja troškovima, ljudima i produktivnošću te vođenju poslovnih knjiga. Nosilac projekta je Grad Zenica, a lokalno partnerstvo, uz glavnog nosioca čine i Općina Breza, Zenička razvojna agencija ZEDA d.o.o., Zavod za zapošljavanje ZDK, dvije zeničke srednje škole te zenički privrednici. Cilj projekta je da osigura kreiranje i provedbu programa aktivacije i integracije nezaposlenih osoba u lokalna tržišta rada od strane lokalnih partnerstava za zapošljavanje. Obuka se implementira u sklopu projekta „Podrška Evropske unije lokalnim partnerstvima za zapošljavanje – Faza II“ (LEP II) koji finansira Evropska unija (EU), a realizuje Međunarodna organizacija rada (MOR) u Bosni i Hercegovini (BiH). Realizacijom ovog projekta bi se ostvario dugoročni održivi efekt procesa kreiranja institucionalne i systemske podrške zapošljavanju mladih u Zenici i Brezi kroz stvaranje stimulativnog poslovnog okruženja, a koje će aktivno doprinositi povećanju novootvorenih poslovnih subjekata/radnih mjesta, ali i kontinuiranoj promociji mogućnosti prekvalifikacije u cilju povećanja šanse za zaposlenje, kao i razvoju poduzetništva i poduzetničkog obrasca ponašanja među nezaposlenim mladim ljudima sa naglaskom na teško zapošljive kategorije. Od novih 20 lokalnih partnerstava za zapošljavanje

u BiH se očekuje da uspješno razviju lokalne inicijative za zapošljavanje, te omoguće obuku i prekvalifikaciju za najmanje 1600 nezaposlenih osoba, te da će najmanje 600 osoba biti zaposleno nakon obuke.









# Produžen rok za prijavu na program prekvalifikacije za zanimanje armirač i tesar

JU SREDNJA MJEŠOVITA ŠKOLA „MLADOST“ ZENICA raspisuje K O N K U R S za upis polaznika programa prekvalifikacije za zanimanje armirač – betonirac i tesar – krovopokrivač u školskoj 2022/2023. godini. JU Srednja mješovita škola „Mladost“ Zenica raspisuje konkurs za upis polaznika u školskoj 2022/2023. godini kako slijedi: Armirač – betonirac (20 polaznika); Tesar

– krovopokrivač (20 polaznika). Izvođenje programa prekvalifikacije traje od 30.01. 2023.godine do 06.09.2023. godine. Stručno-teoretski dio programa realizirat će se u školi, a praktični dio u pogonima privrednih subjekata partnera u projektu isKORak. Program prekvalifikacije za polaznike je besplatan. Polazniku programa prekvalifikacije, po završetku programa izdaje se diploma o završnom ispitu i stiže odgovarajuće zanimanje. JU Srednja mješovita škola „Mladost“ Zenica je registrovana ustanova za obrazovanje odraslih u skladu sa Rješenjem broj: 043-0-RegZ-22-000969. JU Srednjoj mješovitoj školi „Mladost“ Zenica je odobreno obrazovanje odraslih za gore navedena zanimanja Rješenjima o reverifikaciji uvjeta rada i programa Ministarstva za obrazovanje, nauku, kulturu i sport ZDK. Izvođenje formalnog programa obrazovanja odraslih za zanimanje: Armirač – betonirac odobren od strane Ministarstva za obrazovanje, nauku, kulturu i sport ZDK Rješenjem broj 10-34-7101-065-01/22 od 10.06.2022.godine i Tesar – krovopokrivač odobren od strane Ministarstva za obrazovanje, nauku, kulturu i sport ZDK Rješenjem broj 10-34-7101-065-02/22 od 10.06.2022.godine. Na konkurs se mogu prijaviti osobe starije od 18 godina sa završenom srednjom školom, a da nemaju status učenika ili studenta i da su prijavljeni u evidenciji Službe za zapošljavanje ZDK. Uz zahtjev za upis, koj preuzimaju u školi, polaznici su dužni dostaviti sljedeću dokumentaciju (original ili ovjerenu kopiju): izvod iz matične knjige rođenih, svjedočanstva o završenim razredima za prekvalifikaciju i dokvalifikaciju. Konkurs ostaje otvoren 15 dana od dana objavljivanja. Za sve dodatne informacije možete nas kontaktirati. Telefoni:032 460-577, 032 460-575, ili lično u školi na adresi Bilimišće 69, 72000 Zenica ili e-mail: szskola@bih.net.ba.